



«23» հունվարի 2023թ.

Ք. ԵՐԵՎԱՆ

Որոշում N 0134

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի պարտականությունները կատարող Սլավիկ Սարգսյանս ուսումնասիրելով.

1. 29.11.2022 թվականի թիվ Ն/18080-2022 զեկուցագիրը,
2. 01.12.2022 թվականի «Վարչական վարույթ հարուցելու և զննում իրականացնելու մասին» թիվ ՎՎ-1423-Ա հրամանը,
3. 01.12.2022 թվականի N 06/21278-2022 «Վարչական վարույթ հարուցելու և զննում իրականացնելու մասին» ծանուցումը,
4. 05.12.2022 թվականի թիվ 01/21434-2022 գրությունը՝ հասցեագրված ՀՀ պետական եկամուտների կոմիտե,
5. 05.12.2022 թվականի N 06/21430-2022 գրությունը՝ հասցեագրված ՀՀ առողջապահության նախարարություն,
6. 06.12.2022 թվականին ՀՀ առողջապահության նախարարությունից ստացված թիվ ԱԱ/22.1/29058-2022 գրությունը,
7. 14.12.2022 թվականին ՀՀ պետական եկամուտների կոմիտեից ստացված թիվ 01/7-1/90303-2022 գրությունը,
8. 15.12.2022 թվականի վարչական վարույթի ժամկետը երկարաձգելու մասին որոշումը (փոստային առաքանի՝ LO107153016AM)
9. ՀՀ ԱՆ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» ՓԲ ընկերության կողմից համապատասխանաբար 2022 թվականի նոյեմբերի 24-ի թիվ 0114158522 գրությամբ

ստացված N13 եզրակացությունը և 2022 թվականի նոյեմբերի 28-ի թիվ 0114159622 գրությամբ ստացված N15 եզրակացությունը,

10. 27.12.2022 թվականի թիվ 06/23176-2022 «Վարչական իրավախախտումների վերաբերյալ արձանագրության կազմանը հրավիրելու մասին» ծանուցումը (փոստային առաքանի՝ LO107392376AM, LO107393939AM),

11. 09.01.2023 թվականի թիվ 06/218-2023 «Վարչական իրավախախտումների վերաբերյալ արձանագրության կազմանը հրավիրելու մասին» ծանուցումը (փոստային առաքանի՝ LO107506083AM, LO107506201AM Հրապարակային ծանուցման նույնականացման համար՝ նույնականացման համարը՝ 1215131),

12. 16.01.2023 թվականի «Վարչական իրավախախտման վերաբերյալ» արձանագրությունը, (փոստային առաքանի՝ LO107633006AM, LO107632680AM, Հրապարակային ծանուցման նույնականացման համար՝ 1222212),

13. 17.01.2023 թվականի թիվ 06/737-2023 «Վարչական իրավախախտման վերաբերյալ գործի քննության» ծանուցագիրը, (փոստային առաքանի՝ LO107633006AM, LO107632680AM, Հրապարակային ծանուցման նույնականացման համար՝ 1222212),

14. 20.01.2023 թվականի թիվ 06/1138-2023 «Վարչական լսումներին հրավիրելու մասին» ծանուցումը, (Հրապարակային ծանուցման նույնականացման համար՝ 1224423),

Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով, «Դեղերի մասին» ՀՀ օրենքի 29-րդ հոդվածի 1-ին մասով և հաշվի առնելով 29.11.2022 թվականի թիվ Ն/18080-2022 զեկուցագիրը, Տեսչական մարմնում 01.12.2022 թվականի թիվ ՎՎ-1423-Ա հրամանով հարուցվել է վարչական վարույթ, «Դեղերի մասին» ՀՀ օրենքի 16-րդ հոդված 1-ին մասով և 23-րդ հոդվածի 2-րդ մասով սահմանված պահանջների պահպանումը պարզելու նպատակով:

Հարուցված վարչական վարույթի շրջանակներում ուսումնասիրելով ՀՀ ԱՆ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» ՓԲ ընկերության կողմից համապատասխանաբար 2022 թվականի նոյեմբերի 24-ի թիվ 0114158522 գրությամբ ստացված N13 եզրակացությունը և 2022 թվականի նոյեմբերի 28-ի թիվ 0114159622 գրությամբ ստացված N15 եզրակացությունը, ինչպես նաև դեղերի փաթեթների վրա առկա դրոշմապիտակների վերագրմամբ պարզեցինք, որ «ԴԱՆԻ ՖԱՐՄ» ՍՊ ընկերության կողմից վերագրվում և շրջանառվում են Հայաստանի Հանրապետությունում չգրանցված ներքոնշյալ դեղերը՝

1. Պիմաֆուցին նատամիցին դեղահատեր աղելույծ 100մգ; (20) ապակե տարայում Նիդերլանդներ Հապուտ Ֆարմա Վուլֆինգ ԳմբՀ՝ Լեոֆ արմա Ա/Ս, (Դանիա)-ի համար սերիա՝ 018922, պիտանիության ժամկետ՝ 10.2025, սերիան բացակայում է Կենտրոնի ներմուծման փորձաքննության տվյալների բազայում , գրանցված չէ ՀՀ-ում:

2. Նայզ նիմեսուլիդ գրանուլներ ներքին ընդունման դեղակախույթի 100մգ; (9) փաթեթիկներ 2գ Ռուսաստան Կանոնֆարմապրոդակշն ՓԲԸ, ՌԴ՝ Դր. Ռեդդիս Լաբորատորիս (Ռուսաստանի) համար, սերիա՝ 130222, պիտանիության ժամկետ՝ 02.2025, սերիան բացակայում է Կենտրոնի ներմուծման փորձաքննության տվյալների բազայում, գրանցված չէ ՀՀ-ում:

3. Նայզ նիմեսուլիդ դեղահատեր 100 մգ (30/3X10/) բլիստերում Հնդկաստան Դր. Ռեդդիս Լաբորատորիս դեղափոշի N9, սերիա՝ V2200605, պիտանիության ժամկետ՝ 02.2025, սերիան բացակայում է Կենտրոնի ներմուծման փորձաքննության տվյալների բազայում, գրանցված չէ ՀՀ-ում:

4. Սումամեդ ազիթրոմիցին (ազիթրոմիցինի դիհիդրատ) դեղահատեր թաղանթապատ 500մգ; (3) բլիստերում Խորվաթիա Պլիվա Հրվատուկադ .o.o սերիա՝ 196042, պիտանիության ժամկետ՝ 04.2025, սերիան բացակայում է Կենտրոնի ներմուծման փորձաքննության տվյալների բազայում, գրանցված չէ ՀՀ-ում:

5. Վիլպրաֆեն Սոլուտաբ ջոզամիցին (ջոզամիցինի պրոպիոնատ) դեղահատեր տարրալուծվող 1000մգ; (10/2x5/), բլիստերում ԶիՕ-Զդորոլյե ՓԲԸ, ՌԴ՝

Աստելաս ֆարմա Յուրոփ Բ.Վ., Սիլվիուսվեգ 62, 2333 ԲէԼեյդեն, (Նիդերլանդներ)-ի համար, սերիա՝ 320822, պիտանիության ժամկետ՝ 07.2025, սերիան բացակայում է Կենտրոնի ներմուծման փորձաքննության տվյալների բազայում, գրանցված չէ ՀՀ-ում:

2022 թվականի դեկտեմբերի 06-ին ՀՀ առողջապահության նախարարությունից ստավել է թիվ ԱԱ/22.1/29058-2022 պատասխան գրությունը, որի համաձայն «ԴԱՆԻ ՖԱՐՄ» ՍՊ ընկերությունը երբևէ ՀՀ «Արտաքին առևտրի ազգային մեկ պատուհան» համակարգով դեղերի ներմուծման հայտ չի ներկայացրել:

Ուսումնասիրելով ՀՀ ԱՆ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» ՓԲ ընկերության կողմից համապատասխանաբար 2022 թվականի նոյեմբերի 24-ի թիվ 0114158522 գրությամբ ստացված N13 եզրակացությունը և 2022 թվականի նոյեմբերի 28-ի թիվ 0114159622 գրությամբ ստացված N15 եզրակացությունը, ՀՀ առողջապահության նախարարության կողմից 06.12.2022 թվականի N ԱԱ/22.1/29058-2022 գրությամբ տրամադրված տեղեկատվությունը, վարչական մարմինը հաստատված է համարում, որ ներքոնշյալ դեղերը գրանցված չեն Հայաստանի Հանրապետությունում:

1. Պիմաֆուցին նատամիցին դեղահատեր աղելույծ 100մգ; (20),
2. Նայզ նիմեսուլիդ գրանուլներ ներքին ընդունման դեղակախույթ 100մգ; (9) փաթեթիկներ,
3. Նայզ նիմեսուլիդ դեղահատեր 100 մգ (30/3X10/) բլիստերում Հնդկաստան Դր. Ռեդդիս Լաբորատորիս դեղափոշի N9,
4. Սումամեդ ազիթրոմիցին (ազիթրոմիցինի դիհիդրատ) դեղահատեր թաղանթապատ 500մգ; (3) բլիստերում,
5. Վիլպրաֆեն Սոլուտաբ ջրզամիցին (ջրզամիցինի պրոպիոնատ) դեղահատեր տարրալուծվող 1000մգ; (10/2x5/):

Վերոնշյալ դեղերը հայտնաբերվել են Տեսչական մարմնի կողմից թիվ ՎՎ-1216-Ա հրամանով հարուցված վարչական վարույթի շրջանակներում «Վահե Մելիքյան» անհատ ձեռնարկատիրոջը և թիվ ՎՎ-1335-Ա հրամանով հարուցված վարչական վարույթի շրջանակներում «Սամվել Մուսաելյան» անհատ ձեռնարկատիրոջը պատկանող դեղատներում: Վերոգրյալով հաստատվում է, որ ընկերությունը

իրականացրել է իր կողմից ներմուծված Հայաստանի Հանրապետությունում չգրանցված դեղերի իրացում:

Փաստական տվյալների վերլուծության և համադրման արդյունքում պարզվել է, որ խախտվել են «Դեղերի մասին» ՀՀ օրենքի 16-րդ հոդված 1-ին մասով և 23-րդ հոդվածի 2-րդ մասով սահմանված պահանջների պահպանումը:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը, 16.01.2023 թվականին կազմվել է N 0119 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության թիվ 06/737-2023 ծանուցագրի հետ միասին ծանուցվել է (Հրապարակային ծանուցման նույնականացման համար՝ 1222212, անդորրագիր՝ LO107633006AM, LO107632680AM):

Տեսչական մարմնում 23.01.2023 թվականին (ք. Երևան, Արմենակյան 129) տեղի է ունեցել վարչական իրավախախտման վերաբերյալ գործի քննություն, որին պատշաճ կարգով ծանուցված Հովիկ Մեսրոպյանը կամ իր կողմից լիազորված անձը չի ներկայացել: Վերջինս չի ներկայացրել միջնորդություն գործի քննությունը հետաձգելու մասին:

2. Պատճառաբանական մաս

Վարչական մարմինը հաստատված է համարում, որ խախտվել են «Դեղերի մասին» ՀՀ օրենքի 16-րդ հոդված 1-ին մասով և 23-րդ հոդվածի 2-րդ մասով սահմանված պահանջները (հիմք՝ 16.01.2023 թվականի «Վարչական իրավախախտումների վերաբերյալ» N 0119 արձանագրությունը):

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է «ԴԱՆԻ ՖԱՐՄ» ՍՊ ընկերության տնօրեն Հովիկ Գևորգի Մեսրոպյանը (հասցե՝ ք. Երևան, Աջափնյակ, Նորաշեն թղմ. /Շ/37/67 անձնագրային տվյալներ՝ AS0395631, տրված՝ 15.10.2018 թվականին, 012-ի կողմից):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 47.3-րդ հոդվածի համաձայն՝ «Հայաստանի Հանրապետությունում չգրանցված (բացառությամբ Հայաստանի Հանրապետության օրենսդրությամբ սահմանված դեպքերի) կամ գրանցումն օրենքով սահմանված կարգով կասեցված կամ օրենքի խախտմամբ դեղեր ներմուծելը կամ արտադրելը կամ պահպանելը կամ բաշխելը կամ իրացնելը կամ կիրառելը՝ առաջացնում է տուգանքի նշանակում՝ յուրաքանչյուր անվանմամբ դեղի՝

1) մինչև 10 փաթեթի դեպքում՝ սահմանված նվազագույն աշխատավարձի հարյուրապատիկից մինչև հարյուրհիսնապատիկի չափով.

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Հովիկ Գևորգի Մեսրոպյանը կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Հովիկ Գևորգի Մեսրոպյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես ընկերության տնօրեն՝ պաշտոնատար անձ:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230, 279, 281, 283-րդ հոդվածներով, և 282-րդ հոդվածի 1-ին մասով՝

Որոշեցի

Հովիկ Գևորգի Մեսրոպյանին (անձնագրային տվյալներ՝ AS0395631, տրված՝ 15.10.2018 թվականին, 012-ի կողմից)՝ որպես խախտում թույլ տված անձ, «Դեղերի մասին» ՀՀ օրենքի 16-րդ հոդվածի 1-ին մասով և 23-րդ հոդվածի 2-րդ մասով

սահմանված պահանջները խախտելու համար՝ «Վարչական իրավախախտումների վերաբերյալ» ՀՀ օրենսգրքի 47.3 հոդվածի 1-ին մասի.

1.1. **1-ին կետի պահանջով**, Հայաստանի Հանրապետությունում չգրանցված ներքոնշյալ դեղերի.

1. Պիմաֆուցին նատամիցին դեղահատեր աղելույժ 100մգ; (20), - 1 փաթեթ

2. Նայզ նիմեսուլիդ գրանուլներ ներքին ընդունման դեղակախույթ 100մգ; (9) փաթեթիկներ, - 1 փաթեթ

3. Նայզ նիմեսուլիդ դեղահատեր 100 մգ (30/3X10/) բլիստերում Հնդկաստան Դր. Բեդդիս Լաբորատորիս դեղափոշի N9, - 1 փաթեթ

4. Սումամեդ ազիթրոմիցին (ազիթրոմիցինի դիհիդրատ) դեղահատեր թաղանթապատ 500մգ; (3) բլիստերում, - 1 փաթեթ

5. Վիլպրաֆեն Սոլուտաբ ջրզամիցին (ջրզամիցինի պրոպիոնատ) դեղահատեր տարրալուծվող 1000մգ; (10/2x5/) – 1 փաթեթ

իրացման մասով ենթարկել վարչական տույժի՝ յուրաքանչյուր անվանմամբ դեղի համար սահմանված նվազագույն աշխատավարձի հարյուրապատիկի չափով՝ **500.000 (հինգ հարյուր հազար)** ՀՀ դրամ վարչական տուգանքի:

2. Սույն որոշումը ծանուցել՝ «ԴԱՆԻ ՖԱՐՄ» ՍՊ ընկերության տնօրեն, Հովիկ Գևորգի Մեսրոպյանին (հասցե՝ ք. Երևան, Աջափնյակ, Նորաշեն թղմ. /Շ/37/67 անձնագրային տվյալներ՝ AS0395631, տրված՝ 15.10.2018 թվականին, 012-ի կողմից): Ք. Երևան, Աջափնյակ, Մ. Մազմանյան փողոց 5/28, ք. Երևան, Հերացի 20 շենք, 1/3:

3. Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

X 

ՍԼԱՎԻԿ ՍԱՐԳՍՅԱՆ

Подписано: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետքյուջեի հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա _____

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում _____

Նշում որոշումը պատվիրված փոստով ուղարկելու և ստանալու ծանուցման մասին _____

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)